



酒
顛

79
559
1



門 9 書 9
第 5 9
卷 1



酒顛序

昔米南宮見石便具袍笏
歛拜呼為丈人世號米顛
張長史狂來草聖以頭濡
墨極其奔放怒張之態既

醒自咤以為不可及世號張
顛夫顛者去彼黥劓適我
寥天即贖唐野散之中真
骨自在甚矣顛之難也然
吾以為極顛之勝韻無如

酒矣涉古遺哲若東方生
海鷗武皇露醉翩僊小遺
便殿蔡中郎橫卧道上
名曰醉龍畢吏部盜飲
被縛劉伯倫動則挈檣

酒真 序
提壺而以二豪為螺贏所
謂顛於酒者非耶七雄
之世若荆卿高漸離鄼
食其並游於酒人然易
水一歎悲風蕭蕭殼葬天

地漸離酒酣擊筑旁若
無人酈生以高陽酒徒而
談笑下齊猛於雄兵百萬
豈盡麴蘖之托而昏冥之
逃者獨醒人忌渾沌不死

酒顛
八序
風雅未喪代有時人是故峴
山河朔豪雋之所馳情竹
葉葡萄風流之所激賞若
阮仲容跨馬傾歆觀者類
乘船行波浪中李青蓮騎

鯨上天而呼吸通於帝座竇
燕山不醉無歸夜半揚
鞭而金吾不問石學士之沉
冥而自品為鶴飲鼈飲囚飲
鬼飲亦顛之顛者矣數君

子而非顛誰當顛者微獨此
數君子即老羗一廐圍醉後
善悅王者興亡事曹山普化
一水田和尚而或以顛酒說法
或醉後喜作驢鳴此其顛

愈酣則愈放愈遠則愈奇
兀、騰、不可控搏其真按之
有色而窺之無際者乎以
斯知使酒罵坐腐脅酣身
舖其糟而啜其醑者得顛

之皮者也不倫不理若沉若
浮青山可埋則鍾可荷步
兵厨熟則礪碓可澆天命為
如此則頭上之巾可漉換恬
意白與化為徒此所謂得

顛之骨者也昔人謂米顛不
可無一不可有二今所輯酒
顛若而人無乃濫觴乎夫拍
浮酒池六合為空何賢何聖
何濁何清入吾彀者共游其

酒真
月
顛即適為君臣可也

冰蓮道人夏樹芳識



酒顛小敘

夏茂卿撰酒顛侈引東方酈生
畢卓劉伶諸人以策酒勳辨哉
無以應矣予不食酒即飲未能
勝一蕉葉然頗諳酒中風味大

清真
約太醉近昏太醒近散非醉非
醒如憨嬰兒胸中浩浩如太空
無纖雲萬里無寸草華胥無國
混沌無譜夢覺半顛不顛亦半
此真酒徒也畢忘盜未忘甕劉

忘埋未忘鋪俗人治生道人學
死聖人之教生榮而歿哀是皆
猶有生死在耳然則將何如樂
天不云乎吾嘗終日不食終夜
不寢以思無益不如且飲

友弟陳繼儒書於恕醉軒



酒顛題詞

淵明怒醉與漁父獨醒正
言若反即復哺糟啜糲所
謂寄大夢于柘棬而德義
之矩自在也顛何容易知

酒真
此則知文成之辟穀圖南
之爰睡皆真能顛者茂卿
其酒人之雄乎若夫醉鄉
之天地騰々兀々近于天
金微細披剝乃是無記所

攝故凡夫醉于無明二乘
醉于涅槃惟大聖人能飲
酒不及亂茂卿深于灑喜
故為下此轉語中下之根
欲讀酒顛請從酒誥入

雲間董其昌



酒顛目錄

一卷

持螯拍浮

登高落帽

一斛得涼州

三日不上省

婦人不聽

白叟獨全

江東步兵

兖州八伯

崑崙觴

去田壺

非類共飲

無偶相邀

時復中聖人

痛飲讀離騷

引著勝地

請贈醉侯

公明三斗

子幹一石

貴要廢人飲

形神不相親

抱甕釀

挂杖錢

鷓鴣裘就市

貫緼袍償之

西昌逸士

雲溪醉侯

求步兵因貯酒

愛僕射宜勿飲

一斗逍遙

三升可戀

甕大成

酒天地

幸為酒壺

速營糟丘

好事問奇

益酒止量

與鷓對飲

召吏飲杖

飲盡踏銀海

醉如浪中船

醉龍

鶴觴

得秫不了麴蘖

談笑不及勢利

淵明大適

杰公善別

廢誠墓前自杖

依旨肆中求之

三斗壯膽

千日方醒

斗酒濯足

車輪刮頸

避賢樂聖

祠杜配焦

醉勝人醒

酒可忘憂

兄弟匡坐

石蘇相高

病葉狂花

囚星焚日

樂餘年

驅俗態

高陽池

蓮華碧

玉山傾

金甕貯

聲聞不醒

談諧不亂

醉語彌謹

酒言可喜

酒吃

酒筆

三日僕射

失一老兵

酒家南董

酒名和勁

醉吟九百首

俊逸為三絕

此中惟宜此物

業飲遑恤其他

青山白雲醉歎

二卷

一夕千觴

酒壚酣暢

醉聖

酒氣從指出

酒中三昧

九醞消腸

鬼峩我爾

賢鄙為酣

醉以頭書

酒因境多

子字其父

中酒味

碧筒杯

解憂不灰

金龜換酒

車轄投井

華獨坐

惡客漫郎

王坐墮幘

妻常對飲

巢飲海棠枝

漢書下酒

狂何必酒

釀具淫具

役夫與遊

甘苦沈淪

劇飲藻思

賜換骨醪

恐用不盡

夫婦善詩酒

狗竇中大叫

醉伏御筵

洪厓來飲

醉鄉日月

醉鄉無稅

歡飲無言

酒徒非儒

開愁鎖

驗醉鍼

飲有術

司業酒錢

每春顛飲

玉樹臨風

萬異冥

但言飲幾日

醉引金吾句

少游神物

癡漢戒飲

濁醪天地寬

飲量過當世

酒酣懷古人

莫測

通人達士累於此

俸餘無留

三臟可活

呵掖撓睡

酒竭飲醋

哇鳴當鼓吹

甌醴成川渠

登屋歌哭

棧中遊妓

吐筌篲

每醉八日

酒鄉貧更入

蒲博飲

醉髡

對酒思公榮

醉舞與狗鬪

黍麥低昂

再韻解嘲

河朔避暑

飲不醉錢無窮

欲傾家釀

每出飲數日

以酒濡髮歌

月給千壺

薑汁美仙厨

交飲各數斗

二超

在省常醉

白雞盞

凝如綠玉

垂幃痛飲

門扉下出

茶癖酒狂

醉吟先生

簇酒

不齋醉如泥

飲以壺瓠

荊州三酒

華山對飲詩

發狂坐井中

醉有分別

南中女酒

叔夜杯景山鎗

酣釀川

三卷

遺冠雪政

夜辱樂身

焉用聖人

易內而飲

窟室夜飲

聖賢能飲

晁歡一石

司諫醉舞

禁中大噓

士卒淪沒

去衣露形

遠別能飲

不用常杯

糟肉堪久

自號上頓

建康醇美

文飲兩美

生活似勝

師阮步兵

盜竊求乞

鹽酒同味

髻金叵羅

醉舞不止

莫吐相茵

清真不... 目錄

從事沐師

麴蘖摧人

二盤無餘

簇器並飲

欲視別腸

飲冬瓜片

後宮醉妝

君臣懽笑

飲玉蓮杯

飲人狂藥

花前醉鄉

紅友黃封

杯賢杓聖

白擲劇飲

歌呼和吏

水灑羣臣

甕縛吏部

酣法何得

糟漿逆鼻

醺遊玄圃

神全不懼

酒池肉林

抵破書案

面折同列

搏擊左右

携樽登覽

宜且勸灌歎

洗梨花妝

四子... 目錄

灌麩蕪腸

鼻尖挑魔

毛髮識味

携聽黃鸝

奪履飲酒

每日邀賓

爭春大宴

量廣鷄舌

醉用鮫胎

少延清歡

一客一婢

金牌滿座

吞花臥酒

鹿腸懸注

雙珠為吉

九吐為神

烏梅解醒

毛詩代燭

晚年舊好

爭豪歌舞

花露潤肺

四卷

酒之始終

酒之好惡

古名醴酪

始作醪味

五齊之名

九醞之法

天之美祿

人之歡伯

釀飲諸名

華夷衆品

蘭英

桑落

玉薤

醪醑

鄴淥

郟筒

箬下

宜城

曲阿

梨花

竹葉

君山

蓬萊

金液

玉饋

琬琰之膏

瑤琨之碧

玄碧之香

瓊枱

瓊蘇

仙漿

瑞露

洪梁

千里

楮汁

龍膏

澄明

露漿桂醞

停花懸樹

椒花

瀋汁

夷釀

舉白浮君

三三兩兩

駝馱鼉

白玉石

字旁為率

體物押韻

卦名證人

鵲尾指人

鶴足傾側

自暖杯

又

破壺杯

碧瑤杯

鷄鶻卮

五卷

飲酒三首

晉陶

潛

酒類

十三

對酒

梁張率

田飲引

梁朱异

對酒

陳張正見

獨酌謠

陳沈炯

賜魏證

唐太宗

看釀酒

唐王績

詠酒

唐李嶠

飲中八僊歌

唐杜甫

湖中對酒

唐張謂

待酒

唐李白

山中與幽人對酌

李白

獨酌

李白

月下獨酌三首

李白

將進酒

李白

將進酒

唐李賀

與諸客空腹飲

唐白居易

何處難忘酒二首

白居易

不如來飲酒四首

白居易

勸酒

白居易

勸酒

唐孟郊

勸酒

唐李敬方

勸酒

唐武瓘

酒中十詠

唐陸龜蒙

容南太守合酒詩

宋羅大經

月下傳杯

宋楊萬里

酒箴

漢楊雄

與曹操書

漢孔融

又書

孔融

與兄子秀書

宋陳暄

酒顛補目錄終

酒顛一卷

延陵夏樹芳茂卿甫采輯

五茸陳繼儒仲醇甫增正

持螯拍浮

畢卓字茂世。為吏部郎。嘗云。一手持蟹螯。一手持酒杯。拍浮酒池中。便足了一生。

登高落帽

孟嘉字萬年。好飲。桓宣武嘗問萬年何爲嗜酒。孟答曰。公但未知酒中趣耳。九日偕宣武宴龍山酒酣。落帽。著作郎孫盛爲文嘲之。

一斛得涼州

孟佗以萸蒲酒一斛遺張讓。卽拜涼州刺史。子瞻云將軍百戰竟不侯伯。良一斛得

涼州。

三日不上省

皇甫亮三日不上省。文宣親詰其故。亮曰。一日雨。一日醉。一日病酒。

婦人不聽

劉伯倫病酒渴甚。從婦求酒。婦捐酒毀器。涕泣諫曰。君飲太過。非攝生之道。必宜斷

之伶曰甚善我不能自禁惟當祝鬼神自
誓斷之耳便可具酒肉婦曰敬聞命供酒
肉於神前請伶祝誓伶跪而祝曰天生劉
伶以酒爲名一飲一斛五斗解醒婦人之
言慎不可聽便引酒進肉隗然已醉矣

白叟獨全

茅山元符宮有蘇養直像自贊其上曰松

風颼颼瘦藤在手惟此白叟獨全於酒

江東步兵

張翰字季鷹縱任不拘時人號爲江東步
兵嘗曰使我有身後名不如卽時一杯酒

兗州八伯

羊曼字祖延任達好酒與阮放等八人友
善時稱阮放爲宏伯郗鑒爲方伯胡母輔

之爲達伯。卞壺爲裁伯。蔡謨爲朗伯。阮孚爲誕伯。劉綏爲委伯。而曼爲黯伯。號兗州八伯。

崑崙觴

魏賈瑯家累千金。博學善著作。有蒼頭善別水。嘗令乘小艇於黃河中。接河源水以釀酒。名崑崙觴。曾以三十斛上魏莊帝。

青田壺

漢朱虛侯劉章。任俠善飲酒。烏孫國有青田核。如五六升瓠。空之盛水。俄而成酒。劉章曾得三焉。一核纔盡。一核又熟。可供二十客。名青田壺。

非類共飲

劉昶字公榮。與人飲酒。雜穢非類。人或譏

之答曰勝公榮者不可不與飲不如公榮者亦不可不與飲是公榮輩者又不可不與飲故終日共飲而醉。

無偶相邀

袁粲字景倩在郡時踈放好酒嘗步履白楊郊野間道遇一士人便呼與酣飲明日士人詣門求通粲曰昨日飲酒無偶聊相邀爾勿復爲煩。

時復中聖人

徐邈字景山爲尚書郎時方禁酒而邈私飲至醉校尉趙達問以曹事邈曰中聖人達白太祖太祖怒鮮于甫曰臣聞酒清者爲聖人濁者爲賢人邈性修慎偶醉言耳後文帝幸許昌見邈問曰頗復中聖人否。

邈對曰。昔子反斃於穀陽。御叔罰於飲酒。臣嗜同。二子不能自懲。時復中之。帝大笑曰。名不虛立。

痛飲讀離騷

王恭字孝伯。嘗言名士不必須奇木。但使常得無事。痛飲酒。熟讀離騷。便可稱名士。引著勝地。

衛軍王敬文曰。酒正自引人著勝地。

請贈醉侯

皮日休字襲美。一字逸少。性嗜酒。隱居鹿門山。山稅之餘。繼日而釀。自戲曰。醉士已居襄陽之洞湖。以船舶載醇酎。一甌往來湖上。遇興即酌。復自諧曰。酒民有南海鱟魚殼尊一。澀峯獻角。內玄外黃。謂之訶陵。

樽題詩云他年謁帝言何事。請贈劉伶作
醉侯。

公明三斗

管輅字公明。傾仰三斗而清辯綺粲。

子幹一石

盧植字子幹。身長八尺二寸。聲若洪鐘。飲
酒一石不醉。

貴要廢人飲

韓晉明好酒。誕縱朝廷。欲處之貴要地。必
以疾辭。告人云。廢人飲酒。對名勝。安能作
刀筆。吏披反故紙乎。

形神不相親

王佛大言。三日不飲酒。覺形神不復相親。
自恃才氣。放酒誕節。居嘗慕王平子之爲。

人婦翁嘗有慘。王乘醉弔之。婦翁慟哭。王與賓客十許人。連臂被髮裸身而入。繞之三匝而出。

抱甕釀

羊琇字稚舒。冬月釀酒。常令人抱甕。須臾復易人。酒速成而味絕。

挂杖錢

阮宣常步行。以百錢挂杖頭。至酒店便獨酣暢。雖當世貴盛。不肯詣也。

鷓鴣裘就市

司馬相如字長卿。還成都。以鷓鴣裘就市人。陽昌鬻酒。與文君為歡。

貫緼袍償之

吳孫濟嗜酒。屢欠酒家緡。顧謂人曰。尋常

行坐處欠人酒債。吾當貰緼袍償之。

西昌逸士

五代時。郎詠隱西昌。採樵爲業。或擔入郡市。遇人買。則曰。我西昌逸士。酒中人也。我今獻公所缺。公當惠我所無。

雲溪醉侯

種放字明逸。至性嗜酒。自號雲溪醉侯。嘗

種木自釀。曰。空山清寂。聊以養和。

求步兵聞貯酒

阮籍字嗣宗。聞步兵厨中貯酒三百石。乃求爲步兵校尉。王孝伯嘗問王大。阮籍何如。司馬相如。王大曰。阮籍胸中磊塊。故須酒澆之。

愛僕射宜勿飲

西昌

卷一

七

酒真 卷一
北齊李元忠以太常多美酒自中書令求
爲太常卿神武欲用爲僕射文襄言其放
達嗜酒其子操聞之請節飲元忠曰我言
作僕射不勝飲酒樂耳汝愛僕射宜勿飲
故人孫騰司馬子如嘗共詣元忠元忠方
坐樹下擁被對壺庭室蕪曠使婢卷兩褥
以質酒徐謂二人曰不意今日披藜藿也

一斗逍遙

韋瓊字敬遠雅性恬澹以酒自怡周文帝
時前後十見徵辟不就敕有司日給河東
酒一斗賜號逍遙公

三升可戀

王績字無功豪宕不羈每乘牛經酒肆輒
飲數日嘗曰恨不逢劉伶相與閉門轟飲

以周易老子置牀頭。暇則開卷命酌。作醉鄉記。及五斗先生傳。武德中待詔門下省。績弟靜爲武皇千牛。問曰待詔樂否。績曰待詔祿俸殊蕭瑟。但良醞三升。差可戀耳。侍中陳叔達聞之。日給一斗。時號斗酒學士。

甕大成

雍都酒味各別。梁奉常和泉病於甘。劉拾遺玉露春病於辛。皇甫別駕慶雲春病於醞。光祿大夫韋炳取三家酒攪合澄甯。遂爲雍都第一。號甕宮集大成。

酒天地

河陽釋法常酷嗜酒。無寒暑風雨。嘗醉醉。卽熟寢。覺卽朗吟。嘗謂同志曰。酒天虛無。

酒地綿邈。酒國安恬。無君臣貴賤之拘。無財利之圖。無刑罰之避。陶陶焉。蕩蕩焉。其樂不可得而量也。

幸爲酒壺

鄭泉字文淵。博學有奇志。而性嗜酒。閒居嘗曰。願得美酒滿五百斛船。以四時甘脆置兩頭。反覆沒飲。酒有斗升減。隨卽益之。

不亦快乎。臨卒。謂同類曰。必葬我陶家之側。庶百年後化而成土。幸見取爲酒壺。實獲我心矣。

速營糟丘

陳暄文才俊逸。而沉酒過度。兄子秀致書止之。暄答曰。速營糟丘。吾將老焉。

好事問奇

酒真 卷一
揚雄字子雲家貧嗜酒人希至其門時有好事者載酒問奇字淵明詩子雲性嗜酒家貧無由得時賴好事人載醪祛所惑抱朴子云子雲手不離杯太玄乃就。

益酒止量

山濤字巨源飲酒至八斗方醉帝以八斗飲之又密益其酒濤極本量而止蜀中治

郫時嘗刳大竹釀醪醪作酒香聞百步外號郫筒酒。

與騶對飲

謝幾卿嘗預樂遊苑宴不得醉而還因詣道邊酒壚停車褰幔與車前三騶對飲在省署時夜著犢鼻褌與門生登閣道飲酒酣叫達曙。

召吏飲杖

何承裕爲盩厔咸陽二縣令。醉則露首跨牛趨府。往往召豪吏接坐引滿。吏乘醉挾私白事。承裕曰：此見罔也。當受杖。杖訖復召與飲。

飲盡踏銀海

葉鈞大宴。有裴弘泰後至。罰以坐上小爵。

至舫船。飲皆竭。有銀海受一斗。一飲而盡。踏其海卷抱之。索馬徑去。

醉如浪中船

阮咸字仲容。醉騎馬傾欹。人皆指而笑曰：個老子。騎馬如乘船行波浪中。

醉龍

中郎蔡邕飲至一石。常醉在路上臥。人名

曰醉龍。

鶴觴

河東劉白墮善釀。六月以罌貯酒暴日中。經旬不變。朝貴相餉。踰千里。號曰鶴觴。永熙中青州刺史毛鴻攜塞上。遇賊飲以酒。卽醉。皆被擒。時人語曰。不畏張弓拔刀。惟畏白墮春醪。

得秫不了麴蘖

鴻臚丞孔羣字敬休。好飲酒。嘗爲書與親舊。今年田得秫七百斛。不了麴蘖事。

談笑不及勢利

李仲容侍讀。善飲。真宗飲無敵。飲則召公仲容曰。告官家免巨觥。賓至多命酒。談笑而不及勢利。

酒真 卷一
淵明大適
陶淵明爲彭澤令。公田三百畝。悉令種秫。醉則常臥石上。名曰醉石。江州刺史王弘欲識之。不能致也。淵明嘗往廬山。弘命淵明故人齎酒半道邀之。籃輿旣至。欣然共酌。俄而弘至。亦無悞也。與顏延之友善。延之爲始安郡。過柴桑。留二萬錢。淵明悉送

酒稍取酒。郡將嘗候之。值其釀熟。卽取頭上葛巾漉酒。漉畢。還復著之。每醉則大適對客。或先醉。便語客曰。我醉欲眠。君且去。

杰公善別

梁杰公豪飲善別酒。高昌國遣使獻蒲桃乾凍酒。帝命杰公迓之。杰公謂使者曰。蒲桃七是蔕林。三是無半。凍酒非八風谷所

酒真 卷一
凍者又有高寧酒和之使者曰其年風災
蒲桃不熟凍酒奉王急命故非時耳帝問
杰公何以知之對曰蒲桃是滄林者皮薄
味美無半者皮厚味苦酒是八風谷凍成
者終年不壞今嗅其氣酸高寧酒滑而色
淺故云然。

廢戒墓前自杖

庾袞字叔褒父在時常戒其飲酒後每醉
輒自責曰余廢先人之戒何以爲人乃於
墓前自杖三十。

依旨肆中求之

顏延之踈誕好酒不能取容當世文帝嘗
召延之不值帝曰但於酒肆中求之依旨
尋覓果在酒肆裸身自挽歌了不應對他

酒真 卷
日醉醒乃往。居恒好騎馬過舊知。輒據鞍索酒。得酒必傾盡。意氣自若。嘗醉謁何尚之。尚之望見便臥。延之發簾熟視曰。朽木不雕。尚之謂左右曰。此人醉甚可畏。

三斗壯膽

汝陽王璉於上前醉不能下殿。使人掖出之。璉曰。臣以三斗壯膽。不覺至此。家有酒。

法號甘露經。嘗取雲夢石甃泛春渠。以蓄酒。作金銀龜魚浮沉其中。爲酌酒具。自稱釀玉無麴部尚書。

千日方醒

劉玄石從中山沽酒。酒家以千日酒與之。抵家大醉。其家不知。以爲歿矣。遂斂葬。酒家計滿千日當醒。遂往視之。發塚開棺。玄

石方醒起坐棺中。語云玄石飲酒一醉千
日。

斗酒濯足

馬周字賓王。初入京。至灞上。逆旅數公子
飲酒不顧周。周市斗酒濯足。衆異之。

車輪刮頸

黃門侍郎司馬消難。過高季式家。季式與

人酣飲。因畱宿。重門並閉。取車輪括消難
頸。又以一輪自括其頸。消難不得已。笑而
從之。

避賢樂聖

李適之。京兆人。官太子少保。坐李林甫譖
落職。與親戚故人歡飲。賦詩曰。避賢初罷
相。樂聖且銜杯。有蓬萊盞。海山螺。舞仙螺。

瓠子卮。慢卷荷。金蕉葉。玉蟾兒。杜詩飲中八仙之一。

祠杜配焦

杜康善釀酒。王無功祠杜康。以大樂令史焦革配饗。

醉勝人醒

孔顛字思遠。山陰人。骨鯁有風力。以是非

爲已。任歷御史中丞。雖醉日居多。而醒時判決未嘗壅衆。曰孔公二十九日醉。勝世人二十九日醒也。

酒可忘憂

顧榮字彥先。爲齊王冏主簿。榮懼禍。終日酣昏。後爲中書侍郎。不復飲。或曰何前醉而後醒耶。榮懼禍。乃更飲。榮嘗謂友人張

季鷹曰。惟酒可以忘憂。但無如作病何耳。

兄弟匡坐

阮孚字遙集。嗜酒貌短而禿。周文帝愛之。嘗於室內置酒十瓶。瓶大一斛。上皆加帽。欲以戲孚。孚適入室。見卽驚喜曰。吾兄弟輩何爲入官家。匡坐相對。宜早還宅。因持酒歸。文帝撫然大笑。嘗以金龜換酒爲臺。

司所糾。帝置不問。

石蘇相高

石曼卿字延年。與蘇舜卿輩一時以飲相高。名曰鬼飲。了飲。囚飲。鼈飲。鶴飲。鬼飲者。夜不以燒燭。了飲者。飲次挽歌哭泣而飲。囚飲者。露頭圍坐。鼈飲者。以毛席自裹其身。鶴飲者。一杯復登樹。下再飲耳。

酒真 卷一
病葉狂花

皇甫嵩字義真。以酒史自任。每對客飲。輒行射覆法。謂不可與飲者。爲歡場之害。馬或有勇於牛飲者。以巨觥沃之。旣撼。狂花復彫。病葉飲流。謂睡者爲狂花。睡者爲病葉。

囚星焚日

衛元規酒後忤丁僕射。以書謝曰。自茲囚酒星於天獄。焚醉日於秦坑。

樂餘年

晉有羌人姚馥。字世芳。充廐圉。醉中好言王者興亾事。嘗渴於酒。羣輩呼爲渴羌。武帝授以朝歌守。馥願且爲馬圍。時賜美酒。以樂餘年。帝曰。朝歌紂之舊都。地有酒池。

故使老羌不復呼渴。馥固辭。遷酒泉太守。馥乘醉拜受焉。

驅俗態

太陽子不知何許人。好酒常醉。或問之曰：「晚學俗態未除，故以酒自驅耳。」

高陽池

漢侍中習郁於峴山南，依范蠡作養魚池。

可羨

池邊有高隄，種竹及長楸。芙蓉綠岸，菱芡覆水。山簡每臨此池，未嘗不大醉而還。曰：「此是我高陽池也。」襄陽小兒歌之曰：「山公時一醉，徑造高陽池。日暮倒載歸，酪酊無所知。復能乘駿馬，倒著白接籬。舉手問葛疆，何如并州兒。疆其愛將并州人也。」

蓮花碧

房壽六月擣蓮花製碧芳酒。

玉山傾

中散嵇叔夜醉倒傀俄如玉山之將傾。

金甌貯

魏左相能治酒名醞醅翠濤常以金甌貯之得大宛國法十年而味不敗。

聲聞不醒

醉胡僧詩何年飲著聲聞酒直到而今醉不醒。

談諧不亂

柳公正字謇之身長八尺風神爽亮開皇初歷兵部司勳二曹侍郎善談諧飲酒至一石不亂。

醉語彌謹

此亦可羨

酒類
卷一
三
三

梅聖俞字堯臣飲酒百許盞醉輒高义手而語彌温謹。酒賦

酒言可喜

莒公唐儉爽邁少繩檢以酒自豪太宗謂儉酒杯流行發言可喜八字模寫酒韻殆盡

酒吃

焦遂口吃對客不出一言醉後酬酢如注射時目為酒吃。

酒筆

唐胡楚賓秋浦人屬文敏甚必酒中然後下筆高宗命作文常以金銀杯對飲之文成輒賜焉。

三日僕射

酒真 卷一
周顛字伯仁。風德雅重。深達危亂。過江積
年。恒大飲酒。嘗經三日不醒。時人謂之三
日僕射。

失一老兵

謝奕爲安西司馬。在桓溫坐岸幘笑詠。嘗
逼溫飲。溫走入。南康主門避之。奕遂攜酒
就廳事。引溫一兵帥共飲。曰失一老兵。得

快
二

一老兵亦何所怪

酒家南董

大樂署史焦革善釀酒。有酒譜一卷。李淳
風見而悅之。曰此酒家南董也。

酒名和勁

唐子西在惠州。名酒之和者曰養生主勁
者曰齊物論。後楊誠齋退居。名酒之和者

日金盤露。勁者曰椒花雨。

醉吟九百首

唐太子賓客白居易字樂天作酒功讚自號醉吟先生樂天詩凡二千八百首飲酒九百首。

俊逸爲三絕

太常馮惟一好飲酒每朝士宴集雖不召

亦自至酒酣彈琵琶罷賦詩詩成起舞時人愛其俊逸謂爲三絕

此中惟宜此物

謝朓爲吳興別弟淪於征虜渚指淪口曰此中惟宜飲酒朓既至郡致淪數斛酒遺書曰力飲此物勿預人事

業飲遑恤其他

韓朝宗爲山南採訪使。謂孟浩然深閑詩律。因入奏挾與俱行。約日引謁。會浩然有故人至。卽與劇飲。或言與韓公約。不當後期。浩然叱曰。業已飲矣。身行樂耳。遑恤其他。遂畢飲不赴。

青山白雲醉歎

傅奕相州人。善數學。自言其學不可傳。將

卒。自誌曰。傅奕青山白雲人也。以醉歎。

酒顛一卷終

